



ATASSUT

Siverth K. Heilmann

UPA 2015/136

20. 05. 2015.

Kalaallit Nunaata uuliasiornermut aatsitassarsiornermullu 2014-imiit 2018-imut periusissaani nutaami Naalakkersuisunit saqqummersinneqartumi paasissutissat aallaavigalugit aatsitassarsiornermi suliffissuaqarnitta ineriartortinnissaanut periarfissat pillugit apeqquteqaat aallaavigalugu oqallisissiatut siunnersuut.

(Inatsisartunut ilaasortat Sara Olsvig aamma Naaja H. Nathanielsen, Inuit Ataqatigiit)

Inatsisartuni ilaasortat Sara Olsvig aamma Naaja H. Nathanielsen, Inuit Ataqatigiit apeqquteqaat aallaavigalugu soqutigintumut oqallisissiaqarnissinnut qujanaq, imatullu ATASSUT-miit oqaaseqarfigissavarput.

Siunnersuuteqartut nunatta aningaasaqarniarnikkut annertuumik ajornartorsiortoqarneranik kiisalu akileraartarnermut Atugarissaarnermullu Ataatsimiititaliarsuup aningaasanik nutaanik isertitassanik iluarsartuusseqqittoqanngippat ajornartorsiuteqalernissatsinnik issuaanerat ATASSUT-miit paasisinnaalluarparput.

ATASSUT-miit apeqquteqaat aallaavigalugu oqallisissiami imm. UPA 2015/126-imi oqaaseqaatigut innersuutissavagut, ukiunimi arlalissuannortuni aamma IA politikikkut sulinermi naalakkersuisuutitaqartarnermilu, pisuussutit uumassusillit uummaatsullu manna tikillugu atorluarneqarumanginnerannut, suliffissarpasuit aningaasarsiorfissallu pilersinneqarsinnaaneritut uran-imik attueqqusinnngilluinnarneq kinguarsaaqataammat.

Taamaattumik inuussutissarsiutinik nutaanik inerisaassagutta oqaasiinnartigut politikikkut pilersitsinnaangilagut ataatsimoornissarput saneqqunneqarsinnaangilaq. Ataatsimiititaliarsuarnik pilersitsinerit isumalluutigiinnarnagit politikikkut

aalajangiisinnaanerneq aqcutigineqarnerunissaa ATASSUT-mii
kaammatuutigeqqiinnassavarput.

Nunatsinni uuliaqarnera qularineqanngilaq. Takussutissaqareerpoq kitaani immami nunamilu
uuliamik annikitsumik aniasoqartarnera. Piffinni assigiinngitsuni immap naqqani
sajuppillatsitsilluni ukiorpaalunni misissuinerit ingerlanneqartareerput
iluatsitsiviuaallaarsimangillalli.

Iluatsitsiviunngikkaluartulli ujaasinissanut akuersissuteqartarnitsigut, Diskobugt-imi
aallaaveqarnerusumi, illoqarfik Aasiat kiffartuussineq pilersuinerlu aqcutaalluni nunatta
immikkut aningaasanik isaatitsineruneranik kunguneqarpoq torrak. Isertitat ilinniartut
ineqarnerinut iluaqutissanngorlugit atugassanngortinneqarneri takussutissaavoq kusanartoq.

Suli uuliasiornerneq aqcutigalugu akileraarutitigut isaatitsinerusinnaavugut. Aatsitassarsiorneq
aqcutigalugu ujaasinernut, Air Greenland-ip qulimiiuutaannik attartortitsisarnermi annertuumik
aningaasarsiornikkut isaatitsissutaasarnera ineriartorteqqitassaavoq. Taamatut aallartisarnerit
nangittumillu suliffiit ataavartut pilersinneqarsinnaaneri politikikkut qanittumik
suleqatigiissinnaaneq anersaaralugu angusariaqalerparput.

2014-imiit 2018-imut Naalakkersuisut uuliasiornermut aatsitassarsiornermullu periuusissamik
saqqummiussaqsarmanerat pillugu ATASSUT-miit qulaani oqariartuutigeriikkagut
uteqqikkumanagit oqaatigiinnassavarput, Naalakkersuisut akissutaannut takisuumut
paasissutissiiffiulluurtumullu isumaqataagatta, suleriaqqinnissatsinnullu partiit allat
peqatigalugit nalilersuisarnissanut ATASSUT peqataajuassammat.

Taakkuupput apeqquteqaat aallaavigalugu ATASSUT-miit oqaatigiumasagut.